



CONVENIO DE COLABORACIÓN PARA O FOMENTO DO USO DAS NOVAS TECNOLOXÍAS DE INFORMACIÓN E COMUNICACIÓN ENTRE O ALUMNADO DOS CENTROS DOCENTES DE GALICIA SOSTIDOS CON FONDOS PÚBLICOS NO ANO 2017 ENTRE A SECRETARÍA XERAL DE MEDIOS E A ENTIDADE FARO DE VIGO, S.A.U., A TRAVÉS DO XORNAL DIXITAL www.farodevigo.es

En Santiago de Compostela, 1 de marzo de 2017

REUNIDOS

Dunha parte, _____, secretaria xeral de Medios actuando en nome e representación da Xunta de Galicia, en virtude do disposto na disposición adicional segunda, do Decreto 88/2013, do 30 de maio, de estrutura orgánica dos órganos superiores e de dirección dependentes da Presidencia da Xunta de Galicia (administración colaboradora).

Doutra parte, _____ en calidade de Xerente e Apoderado da empresa FARO DE VIGO, S.A.U., (entidade colaboradora)

As partes recoñécense mutua capacidade para obrigarse e convir, e, para estes efectos,

EXPOÑEN

Primeiro.- Que segundo o Decreto 88/2013, do 30 de maio, de estrutura orgánica dos órganos superiores e de dirección dependentes da Presidencia da Xunta de Galicia, a Secretaría Xeral de Medios é o órgano da Administración autonómica encargado de executar a política xeral da Xunta de Galicia en materia de comunicación e audiovisual, correspondéndolle as funcións de relación cos medios informativos.

Segundo.- Que as administracións públicas poden celebrar convenios de colaboración con outras administracións ou entes de dereito público e con persoas físicas ou xurídicas ao abeiro do disposto no artigo 4.1.d) do Real Decreto Lexislativo 3/2011, do 14 de novembro, polo que se aproba o texto refundido da Lei de Contratos do Sector Público.

Terceiro.- Que son conscientes de que un servizo educativo participativo e de calidade debe responder ás novas demandas sociais de modo eficaz, completando a oferta do ensino e fomentando as condicións de igualdade de oportunidades para a formación de toda a cidadanía.



Cuarto.- Na actualidade, a educación integral do alumnado non só require a utilización das novas tecnoloxías senón tamén a implicación da comunidade educativa, das administracións e doutras institucións da sociedade para atender as aspiracións e necesidades do alumnado e familias.

Quinto.- A entidade colaboradora quere participar e colaborar nesta labor de potenciación, promoción e utilización das novas tecnoloxías de información e comunicación como instrumento de formación complementaria do alumnado galego a través de actividades extra curriculares no seu xornal dixital www.farodevigo.es

Sexto.- Os centros docentes de Galicia sostidos con fondos públicos que imparten cursos de Educación Primaria, Secundaria Obrigatoria, Bacharelato, Educación Especial e/ou Formación Profesional terán á súa disposición o xornal dixital da entidade colaboradora como material de apoio básico para a realización de actividades extra escolares, como medio de formación en novas tecnoloxías e difusión de información de carácter educativo–tecnolóxico.

Polo exposto, e tendo en conta a sintonía de obxectivos e a complementariedade dos medios e mecanismos concorrentes para a súa consecución, as dúas partes acordan celebrar un convenio de colaboración de acordo coas seguintes:

ESTIPULACIÓNS

Primeira.- Finalidade do convenio.

A finalidade deste convenio é contribuír ao desenvolvemento dun programa educativo encamiñado a potenciar e promover a utilización das novas Tecnoloxías de Información e Comunicación (TIC) como un instrumento de formación complementaria do alumnado, a partir de iniciativas que permitan a súa utilización como ferramenta de obtención de coñecemento.

A tipoloxía das actividades que se leven a cabo en base a este convenio serán de carácter extra curricular e favorecerán a aprendizaxe na utilización das TIC, a navegación e a busca de información na rede, con contidos en galego e/ou castelán, para o que usará preferente o xornal dixital mencionado.

Segunda.- Obxecto do convenio.

Este convenio ten por obxecto colaborar na promoción do uso das novas tecnoloxías e a difusión da información na internet entre o alumnado dos cursos de Educación Primaria, Secundaria Obrigatoria, Bacharelato, Educación Especial e/ou Formación Profesional dos centros docentes de Galicia sostidos con fondos públicos mediante as actuacións que se establecen na estipulación cuarta.



Terceira.- Orzamento.

De acordo cos datos facilitados pola entidade colaboradora o orzamento das actividades previstas neste convenio ascende a un total de 66.050,00 euros (Anexo III), que será sufragado coa achega de ambas as dúas partes.

A Secretaría Xeral de Medios comprométese a financiar un importe máximo de 41.322,09 euros á entidade colaboradora para compensar parte dos custos nos que incorra para a realización das actividades derivadas deste convenio.

A achega imputarase á aplicación orzamentaria 04.20.461A.640.0 correspondente a créditos dos orzamentos xerais da Comunidade Autónoma para o ano 2017.

Este convenio tramítase como anticipado de gasto de conformidade co disposto polo artigo 2.1 da Orde do 11 de febreiro de 1998, que regula a tramitación anticipada de expedientes de gasto, modificada pola Orde do 27 de novembro de 2000 e pola Orde do 25 de outubro de 2001.

Nesta tramitación anticipada poderase chegar como máximo ata o momento anterior á disposición ou compromiso do gasto, quedando sometida a condición suspensiva de existencia de crédito suficiente e axeitado no orzamento do ano 2017.

Cuarta.- Obrigas das partes.

1. Serán obrigas da entidade colaboradora:

- a. Incluír no seu xornal dixital un espazo educativo dedicado ao alumnado dos cursos de Educación Primaria, Secundaria Obrigatoria, Bacharelato, Educación Especial e/ou Formación Profesional dos centros docentes de Galicia sostidos con fondos públicos, no que se difundan noticias e información do seu interese, con contidos educativos, culturais, económicos, tecnolóxicos, sociais e de actualidade informativa, utilizando unha linguaxe sinxela e adecuada, acorde a este colectivo.
- b. Alojar no seu xornal dixital o suplemento “A Escola do Faro” en formato descargable.
- c. Promover accións educativas que permitan a participación do alumnado centros docentes de Galicia sostidos con fondos públicos que imparten cursos de Educación Primaria, Secundaria Obrigatoria, Bacharelato, Educación Especial e/ou Formación Profesional en programas que fomenten a difusión da información utilizando as TIC, destacando a importancia dos medios de comunicación e a súa función social.
- d. Inserir no seu xornal dixital un banner cun enlace ao programa ABALAR da Consellería de Cultura, Educación e Ordenación Universitaria, de luns a venres. Este banner podería substituírse, no seu caso, por outro banner de contido educativo.



- e. Elaborar a información para a súa difusión no medio correspondente, sen que a Xunta de Galicia poida determinar o contido concreto da información publicada.
 - f. Conservar os documentos xustificativos das accións realizadas, que estarán a disposición da Secretaría Xeral de Medios para que, no seu caso, poidan realizarse as actuacións de comprobación pertinentes.
2. Serán obrigas da Secretaría Xeral de Medios:
- a. Aboar o importe correspondente, logo da xustificación da execución total ou parcial das accións a desenvolver, e de acordo co establecido neste convenio para os pagamentos.
 - b. Proporcionar á entidade colaboradora os datos e a documentación que se lle requiran e que garantan a obxectividade e veracidade da información.

Quinta.- Autorización.

A entidade colaboradora autorizará á administración colaboradora para que obteña directa ou telematicamente, os certificados de estar ao corrente nas obrigas tributarias co Estado, coa Comunidade Autónoma e coa Seguridade Social (Anexo II). No caso contrario aportará a documentación que xustifique o cumprimento destas obrigas.

Sexta.- Protección da infancia e das mulleres. Igualdade de xénero.

A entidade colaboradora, de acordo coa Lei 3/2011, do 30 de xuño, de apoio á familia e á convivencia de Galicia e o Decreto lexislativo 2/2015, do 12 de febreiro, polo que se aproba o texto refundido das disposicións legais da Comunidade Autónoma de Galicia en materia de igualdade, para unha mellor protección dos rapaces e cara á non discriminación das mulleres, buscará a progresiva redución e limitación de anuncios dos chamados “contactos” cara a súa progresiva eliminación, especialmente entre os exemplares que se distribúan nos colexios. En todo caso nestes exemplares eliminaranse as fotografías que se puideran incluír neste tipo de anuncios.

Igualmente incorporará progresivamente a perspectiva de xénero no ámbito da difusión da información.

Sétima.- Plena integración das persoas con discapacidade.

A entidade colaboradora prestará especial atención á promoción de actitudes e condutas positivas para conseguir unha visualización axeitada das persoas con discapacidade, reforzando a súa imaxe e contribución á sociedade.

Oitava.- Normativa lingüística.

Todas as accións e actividades que se realicen en galego ao abeiro deste convenio levaranse a cabo de acordo co contemplado na disposición adicional da Lei 3/1983, do 15 de xuño, de normalización lingüística, e de acordo coa normativa ortográfica e morfolóxica do idioma galego aprobada pola Real Academia Galega o 12 de xullo de 2003.



Novena.- Forma de pagamento e xustificación.

1. Pagamentos parciais. A Secretaría Xeral de Medios efectuará pagamentos mensuais proporcionais. Mensualmente a entidade colaboradora achegará a seguinte documentación:

- A factura correspondente.
- Declaración responsable da realización parcial do obxecto do convenio (Anexo I).

2. Pagamento final. Unha vez rematado o convenio presentarase:

- A documentación correspondente ao último mes de vixencia do convenio.
- Unha memoria económica do custo final soportado desagregado por conceptos.
- Unha memoria xustificativa de todas as actuacións realizadas xunto coa documentación acreditativa.

3. Presentación das facturas e da documentación adicional.

- a. A Orde do 26 de febreiro de 2015 pola que se regulan o Punto xeral de entrada de facturas electrónicas e o Rexistro Contable de Facturas da Comunidade Autónoma de Galicia establece que todas as facturas de importe superior a 5.000 euros presentaranse a través do Sistema Electrónico de Facturación da Xunta de Galicia (SEF), configurado como Punto xeral de entrada de facturas electrónicas.

O resto das facturas poderán presentarse a través do propio SEF ou ante un rexistro administrativo nos termos previstos na Lei 39/2015, do 1 de outubro, do procedemento administrativo común das Administracións Públicas (LPACAP).

O SEF esta dispoñible para todos os provedores; o seu acceso, procedemento de alta e manuais necesarios para poder operar co sistema pódense encontrar na dirección de internet:

- <https://factura.conselleriadefacenda.es>

No proceso de carga das facturas electrónicas no SEF deben cumprimentarse os seguintes datos:

- Receptor: S1511001H, Xunta de Galicia.
- Destinatario:
 - Consellería/Organismo: Presidencia.
 - Órgano de contratación: Secretaría Xeral de Medios.
 - Unidade de contratación: Servizo de Xestión de Medios Informativos (Cod.0066).

- b. Os anexos, as memorias e calquera outra documentación adicional deberá presentarse obrigatoriamente en calquera dos lugares establecidos no artigo 16.4 da LPACAP e,



preferentemente, no Rexistro Xeral da Xunta de Galicia, edificio administrativo San Caetano s/n, 15781, Santiago de Compostela.

Décima.- Avaliación e seguimento. Comisión de seguimento.

Co fin de realizar o seguimento e avaliación dos resultados, así como a interpretación e cumprimento do presente convenio, as partes asinantes conveñen a constitución dunha comisión mixta de avaliación e seguimento, que estará integrada por dous representantes da Secretaría Xeral de Medios, un dos cales actuará como presidente, e outros dous da entidade colaboradora. A Comisión reunirse a petición de calquera das dúas partes.

Décimo primeira.- Publicación.

Os datos básicos relativos a este convenio serán publicados de acordo co previsto no artigo 15 da Lei 1/2016, do 18 de xaneiro, de transparencia e bo goberno e no Decreto 126/2006, do 20 de xullo, polo que se regula o Rexistro de convenios da Xunta de Galicia.

Os datos identificativos das entidades beneficiarias integraranse en ficheiros informáticos para os efectos oportunos, podendo os interesados exercer os dereitos recoñecidos con carácter xeral na Lei orgánica 15/1999, do 13 de decembro, de protección de datos de carácter persoal e demais normativa de desenvolvemento.

Décimo segunda.- Vixencia do convenio.

O presente convenio estará vixente dende a data da súa sinatura e ata o 15 de decembro de 2017 e non será prorrogable.

Durante o período do 16 de xuño ao 30 de setembro, ambos incluídos, non se realizarán as actuacións previstas no obxecto deste convenio. Este período poderá adaptarse tendo en conta as datas de impartición efectiva de clases segundo o calendario escolar que estableza a consellería competente en materia de educación.

Décimo terceira.- Causas de resolución.

Serán causas de resolución do presente convenio e darán lugar, no seu caso, ao reintegro das cantidades percibidas cos seus correspondentes xuros de mora, as seguintes:

- O incumprimento de calquera das estipulacións establecidas no mesmo.
- A aplicación dos fondos outorgados no convenio para fins distintos dos que motivaron a súa concesión.
- A falta de xustificación do emprego das cantidades recibidas.



Décimo cuarta.- Modificación do convenio.

De acordo co artigo 31.4 da Lei 14/2013, do 26 de decembro, de racionalización do sector público autonómico o convenio poderá ser obxecto de modificación cando teña por finalidade o logro dos obxectivos de estabilidade orzamentaria e sustentabilidade financeira.

As ditas modificacións terán por obxecto a redución do volume das obrigas ou, no caso de que este convenio teña carácter plurianual, a ampliación do seu prazo de execución.

De acordo co artigo 4.2 da Lei 2/2011, do 16 de xuño, de disciplina orzamentaria e sustentabilidade financeira de Galicia entenderase por estabilidade orzamentaria a situación de equilibrio ou superávit estrutural en termos de capacidade de financiamento acorde coa definición contida no sistema europeo de contas nacionais e rexionais.

Décimo quinta.- Relación laboral.

A subscrición deste convenio non suporá a existencia dunha relación funcionarial, laboral ou de calquera outro tipo entre a Administración e o persoal da entidade colaboradora que vaian desenvolver as actividades, de maneira que non se lle poderá esixir á Xunta de Galicia ningunha responsabilidade, nin directa nin subsidiaria, polos actos ou feitos acaecidos no desenvolvemento do mesmo.

Décimo sexta.- Réxime xurídico.

O presente convenio ten natureza administrativa e o seu réxime xurídico virá determinado polas estipulacións previstas no propio convenio e o resto de normativa aplicable.

As cuestións litixiosas xurdidas sobre a interpretación, modificación, resolución e efectos que puideran derivarse da aplicación do presente convenio deberán resolverse pola comisión mixta de avaliación e seguimento.

Contra as mesmas caberá interpor recurso contencioso administrativo diante da xurisdición contencioso administrativa.

Co fin de resolver as dúbidas e omisións que puidesen presentarse, aplicaranse os principios recollidos no Real Decreto Legislativo 3/2011, do 14 de novembro, polo que se aproba o Texto Refundido da Lei de Contratos do Sector Público.

En proba de conformidade cos termos deste convenio, as partes comparecentes asínano por duplicado exemplar, no lugar e datas mencionados.

Pola Secretaría Xeral de Medios

Por Faro de Vigo, S.A.U.



ANEXO I

DECLARACIÓN RESPONSABLE DA REALIZACIÓN PARCIAL DAS ACTIVIDADES

CONVENIO DE COLABORACIÓN PARA O FOMENTO DO USO DAS NOVAS TECNOLOXÍAS DE INFORMACIÓN E COMUNICACIÓN ENTRE O ALUMNADO DOS CENTROS DOCENTES DE GALICIA NO ANO 2017.

D/Dª con NIF número, en calidade deda entidadexornal dixital,

DECLARA BAIXO A SÚA RESPONSABILIDADE, nos termos establecidos no artigo 69 da Lei 39/2015, do 1 de outubro, do procedemento administrativo común das Administracións Públicas,

Que durante o mes de esta empresa realizou as actividades obxecto do convenio de referencia.

(Sinatura)

En....., de de.....



ANEXO II

**AUTORIZACIÓN PARA OBTENCIÓN DE CERTIFICADOS DAS OBRIGAS TRIBUTARIAS E COA
SEGURIDADE SOCIAL**

**CONVENIO DE COLABORACIÓN PARA O FOMENTO DO USO DAS NOVAS TECNOLOXÍAS DE
INFORMACIÓN E COMUNICACIÓN ENTRE O ALUMNADO DOS CENTROS DOCENTES DE GALICIA
NO ANO 2017.**

D/Dª con DNI, en calidade
de da entidade,

AUTORIZO

Á Secretaría Xeral de Medios a obter de forma directa as certificacións acreditativas de estar ao corrente
nos pagamentos coa Axencia Estatal da Administración Tributaria, a Tesouraría Xeral da Seguridade
Social e a consellería competente en materia de facenda da Xunta de Galicia.

(Sinatura)

..... dede



ANEXO III

ORZAMENTO DO CUSTO TOTAL DAS ACTIVIDADES PREVISTAS

CONVENIO DE COLABORACIÓN PARA O FOMENTO DO USO DAS NOVAS TECNOLOXÍAS DE INFORMACIÓN E COMUNICACIÓN ENTRE O ALUMNADO DOS CENTROS DOCENTES DE GALICIA NO ANO 2017.

De acordo cos datos facilitados pola entidade colaboradora o orzamento total das actividades previstas o desagregase en:

CONCEPTO	CUSTO ESTIMADO